

## Estatuts del Consòrci de la Comunautat de Treball dels Pirinèus

### Capítol I

### DISPOSICIONS GENERALAS

#### Article 1: Natura e composicion

1.1 Amb l'ajuda del Tractat entre el Reialme d'Espanha e la Republica francesa subre cooperacion transfrontalièra entre entitats territorias, signat a Baiona, lo 10 de març de 1995, e del protocòl d'emendament e d'adesion del Principat d'Andòrra, signat lo 16 de febrèr de 2010, e d'acòrdi a la Convencion Interadministrativa de Cooperacion Transfrontalièra per la qual se crea lo Consòrci de la Comunautat de Treball dels Pirinèus de 17 de març de 2005 (en endavant convencion constitutiva), a la Convencion d'Adesion de l'Organisme Andorran de Cooperacion Transfrontalièra al Consòrci de la Comunautat de Treball dels Pirinèus de 15 de novembre de 2012, a l'Acòrdi de 29 d'octobre de 2015, soscrich per la renovacion de la Convencion constitutiva e a la Convencion soscricha per la revision d'aquela per rason de la novèla delimitacion de las regions francesas e de l'adscricion del Consòrci a la comunautat autonoma d'Aragon, lo Consòrci de la Comunautat de Treball dels Pirinèus es un organisme public de cooperacion transfrontalièra.

1.2 Los sòcis del Consòrci de la Comunautat de Treball dels Pirinèus son:

- a) L'Organisme Andorran de Cooperacion Transfrontalièra
- b) La Region Novèla Aquitània
- c) La Comunautat Autonoma d'Aragon
- d) La Comunautat Autonoma de Catalonha
- e) La Comunautat Autonoma del Bascoat
- f) La Region Occitània
- g) La Comunautat Forala de Navarra

1.3 Lo nivèl territorial del Consòrci de la Comunautat de Treball dels Pirinèus correspond amb lo territòri de las entitats que l'integran.

#### Article 2: Objècte

2.1 Lo Consòrci de la Comunautat de Treball dels Pirinèus a per objècte promòure e desvolopar la cooperacion transfrontalièra dins de l'escala competenciala de las entitats territorias que l'integran, per la realizacion d'accions comunas d'interés general e, en particular, en las escalas seguentas:

- Transpòrts i vias de comunicacion
- Gestion de l'energía
- Agricultura, economia forestala e de montanha
- Promocion del torisme e del termalisme
- Proteccion de las ressorças naturalas e de l'entornament
- Prevencion e gestion de riscos naturals
- Mitigacion e adaptacion als efieches del cambiament climatic
- Ordenacion del territòri i urbanisme

- Desenvolupament sostenible, regional e rural
- Patrimòni cultural
- Ensenhament superior, educacion e formacion professionala
- Cèrca, innovacion, transferència tecnologica e societat de l'informacion
- Industria, comèrci, artesanía, servicis
- Sostén empresarial, especialment a las pichona e mejana empresa
- Desenvolupament de la creacion d'ocupacion sostenible.

2.2 Lo Consòrci de la Comunautat de Trabalh dels Pirenèus actuarà coma autoritat de gestion del programa operatiu de cooperacion territoriala Espanha-França-Andòrra quora atal siá designat per la Comission Europèa, gestionant lo Programa davant l'Union Europèa e los estats respectius. A mai, lo Consòrci podrà participar en projèctes d'autres programass de l'Union Europèa e demandar l'obtencion de sostenes comunitaris en benefici de son territòri e dins de l'encastre de sas competéncias.

2.3 Los nivèls d'actuacion prioritaris del Consòrci de la Comunautat de Trabalh dels Pirinèus pòdon èsser modificats o ampliats, per decision unanima dels sòcis del Plen, dins l'encastre de las competéncias de las entitats territorialas que l'integran.

### **Article 3: Reglamentacion e Personalitat Juridica**

3.1 Dins del respècte a l'establit al Tractat de Baiona, signat lo 10 de març de 1995, de son Protocòl d'emendament e adesion del Principat d'Andòrra, signat lo 16 de febrèr de 2010, e dins las disposicions de la Convencion interadministrativa de creacion, lo Consòrci de la Comunautat de Trabalh dels Pirinèus se regís pel drech public espanhòl e per aquels estatuts.

3.2 Pel compliment de sos objectius, lo Consòrci de la Comunautat de Trabalh dels Pirinèus d'acòrdi amb la normativa aplicable pòt:

- a) aprovar una reglamentación intèrna e un funcionament del Comitè Executiu;
- b) realizar actes d'administración e de disposicion de béns;
- c) contraure obligacions;
- d) butar en marcha projèctes e programass;
- e) demandar ajudas de personas publicas e privadas;
- f) contractar personal, obras, servicis e suministres;
- g) realizar, en general, totes los actes necessaris per complir amb l'objècte establert dins aquels estatuts.

3.3 Per l'exercici de sas foncions, lo Consòrci de la Comunautat de Trabalh dels Pirinèus pòt colaborar amb d'autres entitats publicas e privadas tant espanhòlas, andorranas coma francesas, amb las convencions e contractes correspondents.

### **Article 4: Duracion e sèti**

4.1 La duracion del Consòrci de la Comunautat de Trabalh dels Pirenèus serà la que resulte de la qual se tròbe de la vigéncia de la Convencion que lo constituís.

4.2 Son adreça es dins lo sèti de la Comunautat de Trabalh dels Pirenèus, a la vila de Jaca (Aragon).

---

**Capitol II**  
**ORGANISMES DE GOVERN E D'ADMINISTRACION**

---

**Article 5: Organismes**

Lo Consòrci de la Comunitat de Trabalh dels Pirinèus se compausa pels organismes següents:

- a) Lo Plen
- b) La Presidència del Consòrci
- c) Lo Comitè Executiu
- d) La Secretaria Generala
- e) La Direcció

**Article 6: Lo Plen**


6.1 Lo Plen es compausat per las personas qu'an la Presidència de las entitats sòcias del Consòrci de la Comunitat de Trabalh dels Pirinèus, sense perjudici que, en cas d'absència, pòscan ésser substituïts per sos respectius representats de conformitat amb lo Drech intèrne de cada entitat sòcia.

6.2 Lo Plen, s'acampa, al mens, un còp a l'annada per crida prealabla de sa Presidència. Per ço qu'es del quorum, l'acamp del plen serà vàlid quora la mitat mai un dels seus sòcis de plen drech amb drech a vòte sián presents dins l'acamp, amb al mens un sòci francés e un sòci espanhòl. Lo quorum se pòt arribar tenent en compte que los sòcis absents podran delegar son vòte en un dels sòcis presents dins l'acamp, qu'aurà d'acceptar la representacion. Lo poder donat, acompanhat per l'acceptacion correspondent se mandarà per corrièr electronic a la Presidència abans de l'acamp. Un meteis representant podrà pas aver mai d'un vòte delegat, a mai de son pròpri vòte.

6.3 Son funcions del plen las següentas:


- a) Acordar per consens las orientacions estrategicas e politicas del Consòrci de la Comunitat de Trabalh dels Pirinèus en basa a las prepausicions formuladas pel Comitè Executiu.
- b) Aprovar per decision unanima, la prepausicion del Comitè Executiu d'incorporacion de novèls sòcis al Consòrci de la Comunitat de Trabalh dels Pirinèus.
- c) Aprovar per decision unanima, la prepausicion del Comitè Executiu de modificacion dels estatuts del Consòrci de la Comunitat de Trabalh dels Pirinèus.
- d) Aprovar per decision unanima, la prepausición del Comitè Executiu de dissolucion del Consòrci de la Comunitat de Trabalh dels Pirinèus.
- e) Aprovar per decision unanima, la modificacion o l'ampliacion dels nivèls d'actuacion prioritari dins l'encastre de las competéncias de las entitats territorialas que lo compausan.

6.4 Dins lo cas previst a l'apartat 6.3.a), s'es pas possible arribar a una decision per consens, la Presidència prepausarà sometre la decision a votacion, d'acòrdi amb lo



sistema de votacion establít dins l'article 18. Las decisions per votacion s'adoptaran per majoritat qualificada dels 5/7 vòtes dels sòcis: los participants en l'acamp e los que son representats per autre sòci amb drech a vòte. En cas d'abstencion de quauques sòcis, la majoritat qualificada se calcularà subre la basa dels vòtes emesses.

### **Article 7: La Presidència del Consòrci**



7.1 La Presidència del Consòrci de la Comunautat de Trabalh dels Pirinèus es exercida d'un biais rotatòri pel/la President/a d'un de sos sòcis segond l'òrdre seguent:

- la Region Novèla Aquitània
- la Comunautat Autonoma d'Aragon
- la Comunautat Autonoma de Catalonha
- la Comunautat Autonoma del Bascoat
- la Region Occitània
- la Comunautat Forala de Navarra
- l'Organisme Andorran de Cooperacion Transfrontalièra

7.2 L'exercici de la Presidència a una duracion de 2 annadas. En cas de circumstancias excepcionalas pòt èsser ampliada per una duracion maximala d'una annada, previa consulta e aprovacion del Plen.

7.3. Lo sòci qu'exercís la Presidència assumirà las despensas de son exercici e, en particular, las derivadas de l'organizacion del Conselh plenari anual. Lo Consòrci de la Comunautat de Trabalh dels Pirinèus podrà contribuir a las despensas del plen annal e a las despensas de personal de la Presidència de conformitat amb lo budgèt annal aprovat pel Comitè Executiu.

### **Article 8: Funcions de la Presidència del Consòrci**

8.1 Correspond a la persona qu'a la Presidència del Consòrci de la Comunautat de Trabalh dels Pirenèus:

- Aver la representacion del Consòrci de la Comunautat de Trabalh dels Pirenèus fàcia totas las instàncias e autoritats publicas o privadas,
- Convocar e presidir las sessions del Plen.

8.2 La persona titulara de la Presidència pòt delegar per escrih las funcions que deriven de l'exercici de la representacion del Consòrci de la Comunautat de Trabalh dels Pirenèus en la persona titulara de la Secretaria Generala.

### **Article 9: Lo Comitè Executiu**

9.1 Lo Comitè Executiu es l'organisme de decision del Consòrci de la Comunautat de Trabalh dels Pirinèus per l'aplicacion de las directritz e decisions politicas adoptadas pel Plen.

9.2 Es compausat per un representant titular e un representant suplent de cada entitat sòcia del Consòrci de la Comunautat de Trabalh dels Pirinèus, los dos designats d'acòrdi amb procediments e pel periòde que decide cadun. Cada sòci del Consòrci de la Comunautat de Trabalh dels Pirinèus a un vòte.

9.3. La persona titulara de la Direcció del Consòrci, assistís als acamps del Comitè Executiu de la Comunitat de Treball dels Pirinèus, amb votz mas sens drech a vòte.

### **Article 10: Funcions del Comitè Executiu**

10.1 Lo Comitè Executiu gerís amb sas decisions, los afaires del Consòrci de la Comunitat de Treball dels Pirinèus.

Per aquò, li correspòndon las funcions seguentas:

- a) Sometre a l'aprovacion del plen, las orientacions del Consòrci de la Comunitat de Treball dels Pirinèus e assumir son lançament.
- b) Aprovar l'informe e lo programa anual d'activitats del Consòrci de la Comunitat de Treball dels Pirinèus.
- c) Aprovar l'elaboracion e la gestion conjunta d'accions comunas, en particular, dins l'encastre de projèctes e programas europèus.
- d) Nomenar e destituir la persona titulara de la Direcció del Consòrci de la Comunitat de Treball dels Pirinèus.
- e) Controlar la gestion de la Direcció del Consòrci de la Comunitat de Treball dels Pirinèus.
- f) Aprovar la contractacion del personal del Consòrci de la Comunitat de Treball dels Pirinèus.
- g) Aprovar son reglament intèrne.
- h) Crear, modificar o suprimir comitats tecnicos, comissions o grops de treball per acompanyar lo lançament dels projèctes pròpris, objèctius estrategics e del plan d'activitats anual del Consòrci de la Comunitat de Treball dels Pirinèus. Aquels comitats tecnicos, grops de treball podran dispausar de sos pròpris reglaments intèrnes en coerenza amb los estatuts del Consòrci de la Comunitat de Treball dels Pirinèus e del reglament intèrne del comitat executiu del consòrci.
- i) Aprovar lo budgèt e los comptes del Consòrci de la Comunitat de Treball dels Pirinèus.
- j) Establir las aportacions economicas a realizar pels integrants del Consòrci de la Comunitat de Treball dels Pirinèus.
- k) Aprovar la contractacion d'òbras, servicis e aprovisionaments.
- l) Aprovar l'adquisicion e l'alienacion de patrimòni.
- m) Prepausar al plen l'incorporacion de novèls sòcis al Consòrci de la Comunitat de Treball dels Pirinèus.
- n) Prepausar al plen, la modificacion dels estatuts del Consòrci de la Comunitat de Treball dels Pirinèus e sa dissolucion.
- o) Exercir una altra atribucion qu'aja pas estada assignada expressament a d'autres organismes dins aquels estatuts.

10.2 Lo Comitè Executiu podrà delegar l'exercici de las competéncias qu'a atribuidas, marcadadas en las letras k), l) e o) de l'apartat anterior a la Secretaria Generala o en la Direcció.

### **Article 11: La Secretaria Generala**

La Secretaria Generala es la representacion de la Presidéncia dins lo Comitè Executiu del Consòrci de la Comunitat de Treball dels Pirinèus.

## Article 12: Funcions de la Secretaria Generala

12.1 Correspond a la Secretaria Generala:

- a) Exercir las funcions delegadas per la Presidència del Consòrci de la Comunitat de Treball dels Pirinèus i pel Comitè Executiu.
- b) Prepausar al Comitè Executiu, dins lo transcors del primièr trimestre de l'annada en cors, lo programa anual d'activitats de conformitat amb las orientacions estrategicas del Plen i amb lo projècte de budget corresponent, en collaboracion amb la Direccion del Consòrci de la Comunitat de Treball dels Pirinèus.
- c) Convocar los acamps del Comitè Executiu e establir l'òrdre del jorn, en collaboracion amb la Direccion del Consòrci de la Comunitat de Treball dels Pirinèus.
- d) Presidir las sessions del Comitè Executiu e dirigir las discutidas.
- e) S'ocupar pel compliment de las orientacions estrategicas determinadas pel Plen e las decisions del Comitè Executiu.
- f) Prepausar al Comitè Executiu dins los quatre primièrs meses de l'annada n+1 l'informe annal d'activitats e los comptes annals correspondents en collaboracion amb la Direccion del Consòrci de la Comunitat de Treball dels Pirinèus.
- g) Organizar, en relacion amb lo personal del Consòrci, lo Conselh Plenari annal de la Comunitat de Treball dels Pirinèus.
- h) Iniciar procèsses de consulta escricha al Comitè Executiu en collaboracion amb la Direccion del Consòrci de la Comunitat de Treball dels Pirinèus.
- i) Signar los compte-renduts del Comitè Executiu un còp siàn aprovats.

12.2 La Secretaria Generala podrà delegar l'exercici de las competéncias qu'a atribuïdas en la Direccion, levat aquelas qu'exercisca per delegacion.

## Article 13: La Direccion

La persona titulara de la Direccion del Consòrci de la Comunitat de Treball dels Pirinèus es designada pel Comitè Executiu d'acòrdi amb l'establert als articles 10. d), 18 i 20.3 d'aquels estatuts.

## Article 14: Funcions de la Direccion

Correspond a la Direccion del Consòrci de la Comunitat de Treball dels Pirinèus:

- a) Prepausar a la Secretaria Generala la tièra d'affaires per la formacion de l'òrdre del jorn dels acamps del Comitè Executiu.
- b) Far comptes-renduts dels acamps del Comitè Executiu.
- c) Presentar a la Secretaria Generala lo programa annal d'activitats del Consòrci de la Comunitat de Treball dels Pirinèus e lo projècte corresponent de budget.
- d) Far en collaboracion amb la Secretaria Generala l'informe d'activitats e los comptes annals del Consòrci de la Comunitat de Treball dels Pirinèus.
- e) Actuar en qualitat de responsable de gestion de programas europèus.
- f) Administrar las ressorças economicas e umanas del Consòrci de la Comunitat de Treball dels Pirinèus, d'acòrdi amb son reglament intèrne.
- g) Assegurar la realizacion de las activitats del Consòrci de la Comunitat de Treball dels Pirinèus d'acòrdi amb las instruccions recebudas del Comitè Executiu, atal coma exercir totas las facultats que li delegue.

---

### Capitol III

#### REGIM FUNCIONAL DEL COMITAT EXECUTIU

---

##### Article 15: Acamps del Comitatu Executiu

Lo Comitatu Executiu s'acampa en sessions ordinàrias, dos còps a l'annada al minimum, segon la periodicitat establerta pel pròpri comitat, e en session extraordinària quora la persona titulara de la Secretaria Generala o considere oportun o quora o solliciten, al minimum, la mitat de sos sòcis.

Lo Comitatu Executiu es legitimament constituït quora, a mai de la Secretaria Generala, la mitat mai un de los sòcis de plen drech amb drech a vòte sián presents a l'acamp, amb al mens un sòci francés e un sòci espanhòl. Lo quòrum se pòt aver tenent en compte que los sòcis absents podran delegar son vòte en un dels sòcis presents a l'acamp, qu'aurà d'acceptar la representacion. Lo poder donat, acompanhat per l'acceptacion correspondent se mandarà per corrièr electronic a la Secretaria Generala abans l'acamp.

Un meteís representant podrà pas aver mai d'un vòte delegat, a mai de son pròpri.

En cas d'urgéncia, lo Comitatu Executiu podrà adoptar decisions pel procediment de consulta escricha als representants de sos sòcis en la forma i amb los requisits que s'establiscan dins lo Reglament Intèrne.

##### Article 16: Òrdre del jorn

La Secretaria Generala, assistida per la Direccion, establís l'òrdre del jorn de cada session, tenent en compte totes los assumptes presentats per escrich pels sòcis del Comitatu Executiu.

##### Article 17. Crida dels acamps

Las cridas son fixadas per la persona titulara de la Secretaria Generala e las cal notificar als sòcis del Comitatu Executiu amb una avança minima de quinze jorns. S'arriban rasons d'urgéncia, lo termini marcat, se pòt redusir a cinc jorns. Las cridas an d'anar acompanhadas de son òrdre del jorn correspondent.

##### Article 18: Adopcion de las decisions

18.1 Las presas de decision del Consòrci de la Comunautat de Trabalh dels Pirenèus se cercan prealablament per la via consensuala. Çaquela, se s'arriba pas a un acòrdi, la Secretaria Generala sometrà la decision a votacion, e s'adoptarà per majoria de 5/7 dels vòtes emésas en la forma e amb los requisits que s'establiscan dins lo Reglament Intèrne.

Per l'aplicacion de la majoritat de 5/7, se realizaràn los arredoniments d'acòrdi amb la reglamentacion seguenta:

5/7 Majoritat qualificada		
Vòtes emeses (l'abstencion se considera coma vòte emés)	Valor exacte majoritat qualificada	Valor arrendondit majoritat qualificada
4	2,9	3
5	3,6	4
6	4,3	4
7	5,0	5

18.2 L'aprobacion del Reglament Intèrne e de sas modificacions requerirà lo vòte favorable de la totalitat dels sòcis del Comitè Executiu.

#### **Article 19: Comptes-renduts dels acamps**

La Direccion establís un compte-rendut de cada session, mencionant los acòrdis adoptats e notificats a cada sòci, dels quals pòt expedir copias amb lo vejaire favorable de la persona titulara de la Secretaria Generala.

### Capitol IV

#### REGIM JURIDIC ECONOMIC

#### **Article 20: Drech aplicable**

20.1 Dins l'exercici de poders administratius, lo Consòrci de la Comunautat de Trabalh dels Pirinèus ajusta son actuacion a l'ordenat dins la legislacion espanhòla subre procediment administratiu comun de las administracions publicas e regim juridic del sector public.

20.2 Los contractes del Consòrci de la Comunautat de Trabalh dels Pirinèus s'an d'ajustar a çò qu'ordenan las administracions publicas en legislacion espanhòla subre contracte del sector public, respectant los principis de publicitat, concurréncia, igualtat e non discriminacion.

20.3 Lo Consòrci de la Comunautat de Trabalh dels Pirinèus, a mai del personal que provén de las administracions participants, pòt dispausar de personal pròpri qu'aurà caracter laboral. Los contractes e las relacions se regiran pel drech espanhòl. En matèria de contractacion s'adoptan las mesuras tendentas a respectar las obligacions de la legislacion espanhòla subre emplèc public.

A mai, se garantís lo principi d'igualtat d'oportunitats a totes los candidats e candidatas.

20.4 En matèria de responsabilitat del patrimonì serà d'aplicacion al Consòrci de la Comunautat de Trabalh dels Pirinèus, siá sus determinacion de sa responsabilitat como dins lo procediment per l'exigir, la legislacion espanhòla subre responsabilitat patrimoniala de las administracions publicas.

20.5 Los litigis subre l'actuacion del Consòrci de la Comunautat de Trabalh dels Pirinèus seran competéncia dels tribunals espanhòls, d'acòrdi amb la legislacion aplicabla a l'òrdre jurisdiccional correspondent. Quora l'actuacion del Consòrci de la Comunautat



de Trabalh dels Pirinèus siá somesa al drech administratiu, serà competéncia dels tribunals de l'òrdre contenciós e administratiu.

20.6 Los documents e eveniments insitucionals se traduïsson e s'interpretan, al mens, a las 5 lengas oficialas del territòri de la Comunautat de Trabalh dels Pirinèus que son lo francés, lo castelhan, lo basc, lo catalan e l'occitan. Los documents de trabalh e eveniments de caracter intèrne se traduïsson e s'interpretan en lenga francesa e castelhana. Las delegacions qu'o desiren pòdon assumir lo còst de la traduccion e/o interpretacion d'aquels documents e eveniments dins la lenga pròpria de son territòri.

#### **Article 21: Budgèt e control finacièr**

21.1 Lo projècte de budget annal s'aprova en session presenciala pel Comitè Executiu pendent lo darrièr trimèstre de la darrièra annada a de son aplicacion.

21.2 Lo Consòrci de la Comunautat de Trabalh dels Pirinèus es subjècte al regim budgetari, de comptabilitat e control economic e finacièr de l'administracion publica a la qual es adscrich amb las adaptacions precisas que s'establisson dins lo reglament intèrne en foncion de la natura de l'entitat.

21.3 Lo Consòrci de la Comunautat s'a d'ocupar de las demandas d'informacion procedentas de las autoritats de control finacièr de las entitats sòcis, atal coma de las autoritats nacionalas e comunitàrias en foncion de las finaciacions donadas.

#### **Article 22: Ressorças finacièras**

Per la realizacion de sas finalitats, lo Consòrci de la Comunautat dels Pirinèus pòt dispausar de las ressorças seguentas:

- a) Las aportacions de sas entitats sòcis. Lo repartiment finacièr de las despensas de foncionament aurà luòc d'acòrdi a una distribucion en percentatges egals per caduna de las parts,
- b) Las ajudas procedentas d'autres entitats publicas o privadas,
- c) Los depòsts procedents de son patrimòni e d'autres depòsts de drech privat, incloses los procedents de las prestacions de servicis e de la concertacion d'operacions de credit.
- d) Los dons e autres fons obtenguts per d'autres títols admeses en drech e que respecten l'encastre del Tractat de Baiona.

#### **Article 23: Ressorças del patrimòni**

23.1 Lo patrimòni del Consòrci de la Comunautat de Trabalh dels Pirinèus es compausat pels bens adscriches per sos sòcis atal com los adquirits a carga de sos pròpris fons.

23.2 Las entitats sòcis del Consòrci de la Comunautat de Trabalh dels Pirinèus pòdon li adscriure bens pel compliment de sas finalitats. Los bens e dreches adscrichs conservan la qualificacion e titularitat originària que los correspon, pertocant a la Comunautat de Trabalh dels Pirinèus sonque facultats de conservacion e usatge pel compliment de las finalitats que se determinen en l'adscripcion.

## **Article 24: Responsabilitat Economica**

Las entitats sòcies del Consòrci de la Comunitat de Treball dels Pirinèus son responsables dins de la limita de sa participacion financiera marcada a la Convencion interadministrativa.

---

### **Capitol V**

### **MODIFICACION E DISSOLUCION**

---

## **Article 25: Adesion e renóncia de sòcis**

25.1 D'acòrdi a l'establir als articles 6.3.b) i 10.m), lo Plen, a prepausicion del Comitè Executiu, conclusis sobre l'adesion de novèlas entitats al Consòrci de la Comunitat de Treball dels Pirinèus.

L'acòrdi signat se sosmet a la prealable ratificacion pels organismes competents de cadun dels sòcis.

25.2 L'incorporacion de novèls sòcis se formaliza per la convencion oportuna d'adesion, amb la modificacion consequenta dels estatuts. A efèches del Tractat de Baiona e en particular de l'observança del procediment establert en lo drech intèrne espanhòl, andorran e francés, la convencion d'adesion a natura de convencion de cooperacion transfrontalièra.

25.3 La renóncia voluntària d'un o mai sòcis del Consòrci de la Comunitat de Treball dels Pirinèus afecta pas a la natura d'aquel coma entitat de cooperacion transfrontalièra aparada pel Tractat de Baiona, sempre que demoren en el entitats territorias d'al mens dos estats signants. La renóncia del sòci serà efectiva al tancament de l'exercici budgetari en cors.

## **Article 26: Modificacion dels Estatuts**

26.1 Lo Comitè Executiu pòt prepausar al Plen la modificacion dels Estatuts del Consòrci de la Comunitat de Treball dels Pirinèus a la demanda d'al mens una tresena part de sos sòcis.

26.2 Lo projècte de modificacion a de contèner las rasons justificantas, lo tèxte dels preceptes a modificar o introduir e la relacion dels quals s'anullan.

26.3 En basa a las prepausicions formuladas pel Comitè Executiu, lo Plen, acampat en session ordinària o extraordinària, procedís a l'adopcion de novèls estatuts amb lo vòte favorable de l'unanimitat de sos sòcis.


26.4 La modificacion dels estatuts del Consòrci de la Comunitat de Treball dels Pirinèus atal aprobada se notifica a tosas las entitats que lo compausan per son aprobacion d'acòrdi a las exigéncias e procediments respectius.

26.5 La modificacion dels estatuts, definitivament aprobada, se publica al Bolletín Oficial de l'Estat, d'acòrdi amb las disposicions vigentas en Espanha sobre comunicacion e publicacion oficial aplicables a las convencions de cooperacion transfrontalièra de comunitats autonomas e entitats localas amb entitats territorias estrangieras.




**Article 27: Dissolucion**

27.1 Lo plen, a prepausicion del Comitau Executiu e acampat en session extraordinària, apròva la dissolucion del Consòrci de la Comunautat de Trabalh dels Pirenèus amb el vòte favorable de l'unanimitat de sos sòcis.




27.2 L'acòrdi de dissolucion cal que determine la forma de procediment de liquidacion dels bens, dreches e obligacions del Consòrci de la Comunautat de Trabalh dels Pirenèus.

27.3 La dissolucion del Consòrci de la Comunautat de Trabalh dels Pirenèus serà sonque efectiva un còp realizadas dichas operacions de liquidacion segon lo calendari e las condicions determinadas dins l'acòrdi de dissolucion.




Fach a Saragossa, lo 13 de novembre de 2018, en sèt exemplars cadun d'els en francés, castellan, euskera, catalan e occitan, avent efièches los cinc tèxtes.





Dòna Maria Ubach Font  
Presidenta  
Organisme Andorran  
de Cooperacion Transfrontalièra




Sènher Alain Rousset  
President  
Conselh regional de Novèla Aquitània



Sènher Francisco Javier Lambán Montañés  
President  
Govèrn d'Aragon




Sènher Joaquim Torra i Pla  
President  
Generalitat de Catalonha



Sènher Iñigo Urkullu Renteria  
Lehendakari  
Govèrn Basco



Dòna Carole Delga  
Presidenta  
Conselh Regional Occitània



Dòna. Uxue Barkos Berruezo  
Presidenta  
Govèrn de Navarra

## ANNÈX SISTEMA DE VÒTE DEL PLEN E DEL COMITAT EXECUTIU

Nº Institucions sòcias amb drech a vòte	Estat	Tipe d'administracion	Institucion sòci	Drech a vòte
1	França	Region	Novèla Aquitània	1
1	França	Region	Occitània	1
1	Espanha	Comunautat autonoma	Euskadi	1
1	Espanha	Comunautat autonoma	Navarra	1
1	Espanha	Comunautat autonoma	Aragon	1
1	Espanha	Comunautat autonoma	Catalonha	1
1	Andòrra	Estat	Organisme andorran de cooperacion transfrontalièra	1
<b>7</b>	<b>Total</b>			<b>7</b>

Concepte	Definicion
Majoritat qualificada	5 / 7
Quorum Global	50% +1 dels sòcis amb drech a vòte